

全唐詩



全唐詩目 第十一函

第三冊

唐求 卷

于鄴 卷

陸貞洞

劉谷

王祝

王滌

韋冰

李昌鄴

王碩

李縞

張綺

高衢

賈馳

趙光遠

鄭良士

蕭項 共卷

胡令能

嚴郾

蔣肱

張迴

張友正

伍唐珪

孫榮

顏蕘

張爲

馬冉

周鏞

劉贊

仁翻

荆浩

張直

陳光

共一卷

周曇

二卷

李九齡

一卷

胡宿

杜常

滕白

王岳

共一卷

高力士

王越賓

王良會

驃信

趙叔達

楊奇鯤

布燮

朝衡

長屋

王巨臣

李贊華

成輔端

張隱

朱元

陳璠

捧劍僕

共一卷

李密

孔德紹

鄭顛

劉斌

劉闢

黃巢

共一卷

全唐詩

唐求一作球

唐求居蜀之味江山至性純慤王建帥蜀召爲參謀不就放曠疎逸邦人謂之唐隱居爲詩撚稿爲圓納之大瓢後卧病投瓢于江曰斯文苟不沈沒得者方知吾苦心爾至新渠有識者曰唐山人瓢也接得之十纜二三今編詩一卷

酬友生早秋

彤雲將欲罷蟬柳響如秋霧散九霄近日程三伏愁殘陽宿雨霽高浪碎沙漚祛足餘旬後分襟任自由

曉發

旅館候天曙整車趨遠程幾處曉鐘斷半橋殘月明沙
上一作鳥猶在一作渡頭人未一作行去去古時道馬嘶三兩
聲

客行

上山下山去千里萬里愁樹色野橋暝雨聲孤館秋南
北眼前道東西江畔舟世人重金玉無金徒遠游

題鄭處士隱居

不信最清曠及來愁已空數點石泉雨一溪霜葉風業
在有山處道成無事中酌盡一尊酒病一作夫一作顏亦紅

古寺

路傍古時寺寥落藏金容破塔有寒草壞樓無曉鐘亂

紙失經偈斷碑分篆蹤日暮月光吐繞門千樹松

贈著上人

掩門江上住盡日更無爲古木坐禪處殘星鳴磬時水
澆冰滴滴珠數落累累自有閑行伴青藤杖一枝

馬嵬感事

冷氣生深殿狼星渡遠關九城鼙鼓內千騎道途間鳳
髻隨秋草鑿輿入暮山恨多留不得悲淚滿龍顏

贈行如上人

不知名利苦念佛老岷峨衲補雲千片香燒印一作焚篆一窠
戀山人事少怜客道心多日日齋鐘後高懸瀘水羅

送友人歸邛州

鶴鳴山下去滿篋荷瑤琨放馬荒田草看碑古寺門漸
寒沙上雨一作鷺欲暝一作暖水邊村莫忘分襟處梅花撲酒尊

和舒上人山居即事

敗葉填溪路殘陽過野亭仍彈一滴水更讀兩張經
暝鳥煙中見寒鐘竹裏聽不多山下去人世盡羶腥

發邛州寄友人

茫茫驅一馬自歎又何之出郭見山處待船逢雨時
曉雞鳴野店寒葉隨秋枝寂寞前程去閑吟欲共誰

舟行夜泊夔州

維舟鏡面中迴對白鹽峰夜靜沙堤月天寒水寺鐘
故園何日到舊友幾時逢欲作還家夢青山一萬重

山東蘭若遇靜公夜歸

松門一徑從苔滑往來稀
半夜聞鐘後渾身帶雪歸
問寒僧接杖辨語犬銜衣
又是安禪去呼童閉竹扉

邊將

三千護塞兒獨自滯邊陲
老向二毛見秋從一葉知
地寒鄉思苦天暮角聲悲
却被交親笑封侯未有期

秋寄

江舒公

缺一字

故人何處望秋色滿江濱
入水溪蟲亂過橋山路分
鶴歸松上月僧入竹間雲
莫惜中宵磬從教夢裏聞

題楊山人隱居

深山道者家門戶帶煙霞
綠綴沿巖草紅飄落水花
半

庭栽小樹一徑掃平沙
往往溪邊坐持竿到日斜

夜上隱居寺

尋師擬學空空住
虎磎東千里照山月
一枝驚鶴風年
如流去水山似轉
來蓬盡日都無事
安禪石窟中

友人見訪不值因寄

門戶寒江近籬墻
野樹深晚風搖竹影斜
日轉山陰砌
覺披秋草牀
驚倒古琴更聞鄰舍說
一隻鶴來尋

塗次偶作

歲月客中銷崎嶇力自招
問人尋野寺牽馬渡危橋
爲雨疑天晚因山覺路遙
前程何處是一望又迢迢

送友人江行之廬山肄業

蜀國初開棹廬峰擬拾螢獸皮裁褥暖蓮葉製衣馨楚
水秋來碧巫山雨後青莫教銜鳳詔三度到中庭

山居偶作

趨名逐利身終日走風塵還到水邊宅却爲山下人僧
教開竹戶客許戴紗巾且喜琴書在蘇生未厭貧

贈道者

披霞戴鹿胎歲月不能催飯把琪花煮衣將藕葉裁鶴
從歸日養松是小時栽往往樵人見溪邊洗藥來

邛州水亭夜讌送顧非熊之官

寂寞邛城夜寒塘對庾樓蜀關蟬已噪秦樹葉應秋道
路連天遠笙歌到曉愁不堪分袂後殘月正如鉤

題青城山范賢觀

數里緣山不厭難爲尋真訣問黃冠苔鋪翠點仙橋滑
松織香梢古道寒晝滂綠畦薈嫩玉夜開紅竈燃新丹
鐘聲已斷泉聲在風動茅_{一作瑤}花月滿壇

送僧講罷歸山

休將如意辯真空吹盡天花任曉風共看玉蟾三皎潔
獨懸金錫一坵瓏巖間松桂秋煙白江上樓臺晚日紅
依舊曾溪念經處野泉聲在草堂東

題友人寓居

寓居無不在天涯莫恨秦關道路賒繚繞城邊山是蜀
彎環門外水名巴黃頭卷席賓初散白鼻嘶風日欲斜

何處一聲金磬發古松南畔有僧家

傷張玖秀才

銅梁劍閣幾區區十上採珠不見珠
卞玉影沈沙草閣驪靄聲斷隴城孤
入關詞客秋懷友出戶孀妻曉望夫
吳水楚山千萬里旅魂歸到故鄉無

題李少府別業

尋得仙家不姓梅馬嘶人語出塵埃
竹和庭上春煙動花帶溪頭曉露開
繞岸白雲終日在傷松黃鶴有時來
何年亦作園基伴一到松間醉一回

贈楚公

曾聞半偈雪山中貝葉翻時理盡通
般若恒添持戒力

落叉誰算念經功
雲間曉月應難染
海上虛舟自信風
長說滿庭花色好
一枝紅是一枝空

贈王山人

紅藤一柱腳常輕
日日緣溪入谷行
山下有家身未老
竈前無火藥初成
經秋少見閑人說
帶雨多聞野鶴鳴
知到蓬萊難再訪
問何方法得長生

庭竹

月籠翠葉秋承露
風亞繁梢暝掃煙
知道雪霜終不變
永畱寒色在庭前

題常樂寺

桂冷香聞一作松香十里間
殿臺渾不似人寰
日斜回首江頭

望一片晴一作雲落後山

題一作送劉鍊師歸山

風急雲輕鶴背寒
洞天誰道却歸難
千山萬水瀛洲路
何處煙飛是醮壇

酬舒公見寄

無客不言雲外見
爲文長遣世間知
一聲松徑寒吟後
正是前山雪下時

巫山下作

細腰宮盡舊城摧
神女歸山更不來
唯有楚江斜日裏
至今猶自繞陽臺

句

恰似有龍深處卧
被人驚起黑雲生

臨也先利
見經事

全唐詩

于鄴

于鄴唐末進士詩一卷

書懷

長安多路岐西去欲何依
浮世祇如此舊山長憶歸
自離京國久應已故人稀
好與孤雲住孤雲無是非

書情

負郭有田在年年長廢耕
欲磨秋鏡淨恐見白頭生
未作一旬別已過千里程
不知書與劔十載兩無成

塗中作

一作出門

西一作東南千里程一作行處處有車聲
若使地無利始應人不

營天涯猶馬到石跡尚一作亦塵生如此未曾息蜀山終冀

平

春過函谷關

幾度作遊一作不客客行長苦辛愁看函谷路老盡布衣人
歲遠關猶固時移草亦春何當名利息遣此絕征輪

袞中即事

風吹殘雨歇雲去有煙霞南浦足遊女一作士綠蘋應發花
遠鐘當一作亦半夜明月入一作落千家不作故鄉夢始知京洛

賒

歲暮還家

東西流不駐白日與車輪殘雪半成冰微風應欲春幾

經他國歲已滅故鄉人回首長安道十年空一作長苦辛

還家

為客憶歸舍

一作來

歸來還寂寥壯時看欲過白首固

一作故

非

遙獨酌幾回醉此愁終

一作終年恨

不銷猶殘雞與犬驅

一作同

去

住山椒

題華山麻處士所居

一本無所居二字

貴賤各擾擾皆逢朝市間到此馬無迹始知君獨閑冰

破聽敷水雪晴

一作消一作時

看華山西風寂寥地唯我坐忘還

天南懷

一作憶故人

獨行千里塵軋軋轉征輪一別已多日總看成老人洞

庭雪不下故國草應春三月煙波暖南風生綠蘋

路傍草

春至始青青香車碾已平不知山下處來向一作繞路傍生
每歲有人在何時無馬行應隨一作和塵與土吹滿洛陽城

秋夕聞雁

星漢欲沈盡誰家砧未休忽聞涼雁至如報杜陵秋千
樹又一作有黃葉幾人新白頭洞庭今夜客一半却登一作回舟

洛中有懷

潺潺伊洛河寂寞少恩波鑿駕久不一作不東幸洛陽春草多

送魏山韋處士一作送田處士西遊

陰陰亭一作田際間相顧慘離顏一片雲飛去嗟峨空魏山

白櫻桃

王母階前種幾株
水晶簾內看如無
只應漢武金盤上
瀉得珊珊白露珠

白櫻樹

記得花開雪滿枝
和蜂和蝶帶花移
如只今花落遊蜂
去空作主人惆悵詩

下第不勝其忿題路左佛廟

雀兒未逐颺風高
下視鷹鷂意氣豪
自謂能生千里足
黃昏依舊委蓬蒿

感懷

一作感情以下一本
俱作十式陵詩

東風吹草色空使客蹉跎
不設太平險更應遊子多
幾傷作行處淚一作一曲醉中歌
盡向青門外東隨渭水波

遊中梁山

僻地好泉石何人曾陸沈不知青嶂外更有白雲深因
此見喬木幾回思舊林殷勤後與與一作鳥唯我獨何心

尋山

到此絕車輪萋萋草樹春青山如有利白石亦成塵水
濶應無路松深不見人如知巢與許千載迹猶新

宿江口

南渡人來絕喧喧雁滿沙自生江上月長有客思家半
夜下霜岸北風吹荻花自驚歸夢斷不得到天涯

秋夜遠蕭關

擾擾浮一作遊梁路人忙月自閑去年爲塞客今夜宿蕭關

辭國幾經歲望鄉空見山不知江葉下又作布衣還

斜谷道

亂峰連疊嶂千里綠峨峨蜀國路如此遊人車亦過遠
煙當驛飲驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛間遠為千里客來度百牢關帆
影清江水鈴聲碧草山不因一作貪名與利爾我一作我爾各應閑

客中覽鏡

何當開此鏡即見髮如絲白日急於水少年能幾時每
逢芳草處長返故園遲所以多為客蹉跎欲怨誰

長安逢隱者

征車千里至碾邊六街塵向北有營地忽逢無事人言
時顏狀改浮世路多新且脫衣沽酒終南山欲春

與僧話一作話舊

草堂前有山一見一相寬處世貴僧靜青松因歲寒他
山逢舊侶盡日話長安所以閑行迹千回繞藥欄

贈王道士

日日市朝路何時無苦辛不隨丹竈客終作白頭人浮
世度千載桃源方一春歸來華表上應笑北邙塵

匣中琴

世人無正心蟲網匣中琴何以經時廢非爲娛耳音獨
令高韻在誰感隙塵深應是南風曲聲聲不合今

友人亭松

俛仰不能去如逢舊友同曾因春雪散見在華山中何
處有明月訪君聽遠風相將歸未得各占石巖東

過洛陽城

古來利與名俱在洛陽城九陌鼓初起萬車輪已行周
秦時幾變伊洛水猶清二月中橋路鳥啼春草生

客中月

一作望月

離家凡幾宵一望一寥寥新魄又將滿故鄉應漸遙獨
臨彭蠡水遠憶洛陽橋更有乘舟客悽然亦駐橈

王將軍宅夜聽歌

朱檻滿一作鋪明月美人歌落梅忽驚塵起處疑有鳳飛來

一曲聽初徹幾年愁暫開東南正雲雨不得見陽臺

長信

一作春宮

莫問

一作訪

古宮名古宮空有

一作古

城惟

一作只

應東去水不改舊

時聲

高樓

遠天明月出照此誰家樓上有羅衣裳

一作色

涼風吹不休

一作秋

全唐詩

陸貞洞

陸貞洞吳郡進士詩一首

和三鄉詩

曾昌時有女子題詩
三鄉驛和者十人

惆悵殘花怨暮春
孤鸞舞鏡倍傷神
清詞好箇干人事
疑是文姬第二身

劉谷

劉谷與李郢同時詩一首

和三鄉詩

蘭蕙芬香見玉姿
路傍花笑景遲遲
苧蘿山下無窮意
併在三鄉惜別時

王祝

王祝字不耀給事中常州刺史詩一首

和三鄉詩

女兒山前嵐氣低佳人留恨此中題不知雲雨歸何處
空使王孫見即迷

王滌

王滌字用霖瑯琊人景福中擢第累官中書舍人後終
於閩詩一首

和三鄉詩

浣紗游女出關東舊跡新詞一夢中槐陌柳亭何限事
年年迴首向春風

韋冰

韋冰唐末鄴令詩一首

和三鄉詩

來時歡笑去時哀
家國迢迢向越臺
待寫百年幽思盡
故宮流水莫相催

李昌鄴

李昌鄴唐末人詩一首

和三鄉詩

紅粉蕭娘手自題
分明幽怨發雲闈
不應更學文君去
泣向殘花歸剡溪

王碩

玉碩唐末人詩一首

和三鄉詩

無姓無名越水濱
芳詞空怨路傍人
莫教才子偏惆悵
宋玉東家是舊鄰

李縞

李縞唐末人詩一首

和三鄉詩

會稽王謝兩風流
王子沉淪謝女愁
歸思若隨文字在
路傍空爲感千秋

張綺

張綺唐末人詩一首

和三鄉詩

洛川依舊好風光
蓮帳無因見女郎
雲雨散來音信斷
此生遺恨寄三鄉

高衢

高衢唐末人詩一首

和三鄉詩

南北千山與萬山
軒車誰不思鄉關
獨留芳翰悲前跡
陌上恐傷桃李顏

賈馳

賈馳與曹鄴同時詩二首

復觀三鄉題處留贈

壁古字未滅聲長響不絕蕙質本如雲松心應耐雪耿
耿離幽一作崖谷悠悠望甌越杞婦哭夫時城崩無此說

秋入關

河上微風來關頭樹初濕今朝關城吏又見孤客入上
國誰與期西來徒自急

趙光遠

趙光遠華州刺史隲之子不第而沒光化中韋莊奏贈
官詩三首

咏手二首

妝成皓腕洗凝脂背接紅巾掬水時薄霧袖中拈玉笋
斜陽屏上燃青絲喚人急拍臨前檻摘杏高揜近曲池

好是琵琶弦畔見細圓無節玉參差

撚玉搓瓊軟復圓綠窗誰見上琴弦慢籠彩筆閑書字
斜指瑤階笑打錢爐面試香添麝炷舌頭輕點貼金鈿
象床珍簟宮碁處拈定文楸占角邊

題效萊兒壁

一作題北
星效人壁

魚鑰獸環斜掩門萋萋芳草憶王孫醉凭青瑣窺韓壽
閑擲金梭惱謝鯤不夜珠光連玉匣辟寒釵影落瑤尊
欲知腸斷相思處役盡江淹別後魂

鄭良士

一作
士良

鄭良士字君夢閩人昭宗時獻詩五百篇授補闕白巖
集十卷今存三首

題興化高田院橋亭

到此溪亭上浮生始覺非野僧還惜別遊客亦忘歸月
滿千巖靜風清一磬微何時脫塵役杖履願相依

遊九鯉湖

仄徑傾崖不可通湖嵐林靄共溟濛九溪瀑影飛花外
萬樹春聲細雨中覆石雲閑丹竈冷採芝人去洞門空
我來不乞邯鄲夢取醉聊乘鄭國風

寄富洋院禪者

畫破青山路一條走鞭飛蓋去何遙礙天巖樹春先冷
鎖院溪雲畫不銷雪生茗芽因客煮海南沈屑爲齋燒
誰能學得空門士冷却心灰守寂寥

蕭項

蕭項蕭田人官侍郎昭宗末年嘗同翁承贊為冊禮使
使閩詩一首隱者少為負局微釘之業夢人剖其腹以

卷書贈翁承贊漆林書堂詩為胡釘鉸詩四首

輶車故國世應稀昔日書堂二紀歸手植松筠同茂盛
身榮金紫倍光輝入門鄰里喧迎接列坐兒童見等威
却對芸窗勤苦處舉頭全是錦為衣

觀鄭州崔郎中諸妓繡樣

日暮堂前花藥嬌
拈小筆上牀橫繡成
安向春園裏

引得黃鸝下柳條

小兒垂釣

題興化高田院橋亭

到此溪亭上，浮生始覺非。
野僧還惜別，遊客亦忘歸。
月滿千巖靜，風清一磬微。
何時脫塵役，杖履願相依。

遊九峯湖

怯慳芸窗燿苦，盡舉甌全晏。
餘為未九溪，暮影飛花外。
良榮金紫，計步軼人門。
隣里望，臨封恆坐，兒童良等。
風神車姑，因世甄赫，昔日書堂二。
臨龍手，蘇休辭，同效盜。
韻餘承贊，叅林書堂結。

卦閣結一首

一條之體飛蓋去，何送礙天巖。
樹春先冷

蕭既蕭田入官卦，明昭宗末辛。
嘗同祿承贊，為冊豔對

誰蕭頁得空門士，公却心成守寂寥。

全唐詩

胡令能

胡令能莆田隱者少爲負局鍤釘之業夢人剖其腹以
一卷書內之遂能吟詠遠近號爲胡釘鉸詩四首

喜韓少府見訪

忽聞梅福來相訪笑著荷衣出草堂兒童不慣見車馬
走入蘆花深處藏

觀鄭州崔郎中諸妓繡樣

今題作
詠繡障

日暮堂前花藥嬌爭拈小筆上牀描繡成安向春園裏
引得黃鶯下柳條

小兒垂釣

蓬頭穉子學垂綸側坐莓苔草映身
路人借問遙招手怕得魚驚不應人

王昭君

胡風似劒鏤人骨漢月如鉤釣胃腸
魂夢不知身在路夜水猶自到昭陽

巖

巖鄧君末人詩二卷今存二首

望夫石

何代提戈去不還獨留形影白雲間
肌膚銷盡雪霜色羅綺點以苔蘚斑
江鷺不能傳遠信野花空解妬愁顏
近來豈少征人婦笑採蘿蘿上北山

賦百舌鳥

此禽輕巧少同倫我聽長疑舌滿身星未沒河先報曉
柳猶粘雪便迎春頻嫌海燕巢難定却訝林鶯語不真
莫倚春風便多事玉樓還有晏眠人

蔣肱

蔣肱唐末嘗客荆南成汭幕詩一首

永州陪鄭太守登舟夜宴席上各賦詩

江頭朱紱間青衿豈是仙舟不可尋誰敢強登徐稚榻
自憐還學謝安吟月凝蘭櫂輕風起妓勸金罍盡醉斟
剪盡蠟紅人未覺歸時城郭曉煙深

張迥

張洵唐末人少年苦吟夢五色雲自天而下取吞之遂
精雅道詩一首

寄遠

錦字憑誰達閑庭草又枯夜長燈影滅天遠雁聲孤蟬
鬢凋將盡虬髯白也無幾回愁不語因看朔方圖

洵嘗攜此圖齊

已點頭吟諷為改虬髯黑在無迴遂拜作一字帥

張友正

張友正唐末人詩一卷今存二首

春草凝露

蒼蒼芳草色含露對青春已賴陽和長仍慙潤澤頻日
臨殘未滴風度欲成津蕙葉垂偏重蘭叢洗轉新將行

愁裏遲欲采畏濡身獨愛池塘畔清華遠襲人

錦帶佩吳鉤

帶劍誰家子春朝紫陌遊結邊霞聚錦懸處月隨鉤綵
縷迴文出雄芒練影浮葉依花裏艷霜向鏑中秋的皦
宜驄馬瀾編映綺裘應須待報國一刎月支頭

伍唐珪

伍唐珪袁州宜春人詩三首

山中臥病寄盧郎中

十年耕釣水雲間住僻家貧少往還一徑綠苔凝曉露
滿頭白髮對青山野僧採藥來醫病樵客攜觴爲解顏
空戀舊時恩獎地無因匍匐出柴關

寒食日獻郡守

入門堪笑復堪憐
三徑苔荒一釣船
慙愧四隣教斷火
不知廚裏久無煙

上蘇使君

江西昔日推韓注
袁水今朝數趙祥
縱使文翁能待客
終栽桃李不成行

孫蔡

孫蔡字文威
自號無爲
歷官御史翰林學士中書舍人
詩六首

贈妓人王福娘

綵翠仙衣紅玉膚
輕盈年在破瓜初
霞杯醉勸劉郎賭

雲髻慵邀阿母梳，不怕寒侵緣帶寶。每憂風舉倩持裾，謾圖西子晨一作粧樣。西子元來未得如。

題妓王福娘墻

移壁迴窗費幾朝，指環偷解博紅一作椒。無端鬪草輸鄰

女，更被拈將玉步搖。

寒繡衣裳餉阿嬌，新團香獸不禁燒。東鄰起樣裙腰濶，

刺蹙黃金線一作幾條以下二首題一作

題北里妓人室

試共卿卿語笑初一作畫堂連遣侍兒呼。寒肌不耐金如

意，白獺爲膏郎有無。

戲李文遠

引君來訪洞中仙，新月如眉拂戶前。領取嫦娥攀取桂

便從陵谷一時遷

題劉泰娘舍

泰娘北曲內小家中門前一樺樹年齒甚妙粗有容色以居非其所人不知之余過其舍題詩云云

同遊間之詩朝請之者結題下門矣

尋常凡才最輕樺今日尋樺桂不如漢高新破成陽後
英俊奔波遂喫虛

顏蕘

顏蕘登進士第昭宗時為中書舍人詩一首

戲張道人不飲酒

言自雲山訪我來每聞奇秘覺叨陪吾師不飲人間酒
應待流霞即舉杯

句

衣纈盡成鳴鳳曲遊人多是弄珠仙

見方輿勝覽

張爲

張爲唐末江南詩人詩一卷今存三首

秋醉歌

金風颯已

一作颯

起還是招漁翁攜酒天姥岑自彈嶧陽桐

脫却登山履赤脚翹青筇泉聲掃殘暑後臂攀長松翠
微泛罇綠苔蘚分煙紅造化處術內相對數壺空醉眠
嶺上草不覺夜露濃一夢到天曉始覺一醉中皎然夢
中路直到瀛洲東初平把我臂相與騎白龍三留對上
帝玉樓十二重上帝賜我酒送我鼓金鍾寶閣香斂萬
琪樹寒玲瓏動葉如笙篳音律相怡融珍重此一醉百

骸出天地長如此夢魂永謝名與利

謝別毛仙翁

大中戊寅歲為薄游長沙獲女奴於岳麓下感之
歲餘成麻疾偶遇仙翁知其為好所崇以藥一粒

授為之氣郁然開步魁妄一號而難乃木偶
人也又吞以月砂如黍者三疾遂瘳為作詩別之

羸形感神藥削骨生豐肌蘭炷飄靈煙妖怪立誅夷重
覩日月光何報父母慈黃河濁袞袞別淚流澌澌黃河
清有時別淚無收期

漁陽將軍

霜髭擁領對窮秋著白貂裘獨上樓向北望星提劍立
一生長為國家憂

句

到處即閉戶逢君方展眉

紀事云為此句最有詩稱

馬冉

馬冉唐末萬州刺史詩一首

岑公巖

南溪有仙澗咫尺非人間泠泠松風下日暮空蒼山

周鏞

周鏞唐末諸暨縣人詩一首

諸暨五洩山

路入蒼煙九過溪九穿巖曲到招提天分五溜寒傾北
地秀諸峰翠插西鑿徑破崖來木杪駕泉鳴竹落榱題
當年老默無消息猶有詞堂一杖藜

劉贊一作

劉贊唐末人詩一首

按唐末劉贊有三一魏州人舉進士為羅紹威判官任唐明宗中書舍人一桂陽人宰相瞻之可擢

進士仕梁充崇政殿學士一仕閩王曦為御史中丞三人皆與羅隱同時未知孰是

贈羅隱

人皆言子屈獨我謂君非明主既難謁青山何不歸年
虛侵雪鬢塵枉污麻衣自古逃名者至今名豈微

句

絮花飛起雪漫漫長得宮娥帶笑看

柳枝詞見吟香雜錄

任翻

任翻一作蕃唐末人詩集一卷今存詩十八首

洛陽道

憧憧洛陽道塵下生春草行者豈無家無人在家老鷄

鳴前結束爭去恐不早百年路傍盡白日車中曉求富
江海狹取貴山岳小二端立在途奔走無由了

春晴

楚國多春雨柴門喜晚晴幽人臨水坐好鳥隔花鳴野
色臨空闊江流接海平門前到溪路今夜月分明

秋晚郊居

遠聲霜後樹秋色水邊村野徑無來客寒風自動門海
山藏日影江月落潮痕惆悵高飛晚年年別故園

秋晚途次

秋色滿行路此時心不閑孤貧遊上國少壯有衰顏衆
鳥已歸樹旅人猶過山蕭條遠林外風急水潺潺

葛仙井

古井碧沈沈分明見百尋味甘傳邑內脉冷應山心圓
入月輪淨直涵峰影深自從仙去後汲引到如今

桐柏觀

飄飄雲外者一作客 暫宿聚仙堂半夜人無語中宵月送涼

鶴歸高樹靜螢過小池光不得多時往門開是事忙

冬暮野寺

江東寒近臘野寺水天昏無酒可銷夜隨僧早閉門照
墻燈影短著瓦雪聲繁飄泊仍千里清吟欲斷魂

贈濟禪師

碧峰秋寺內禪客已無情半頂髮根白一生心地清竹

房侵月靜石徑到門平山下塵囂路終年誓不行

經隋淚碑

羊公傳化地千古事空存碑已無文字人猶敬子孫峴
山長閉恨漢水自流恩數處煙嵐色分明是淚痕

長安冬夜書事

憂來長不寐往事重思量清渭幾年客故衣今夜霜春
風誰識面水國但牽腸十二門車馬昏明各自忙

越江漁父

借問釣魚者持竿多少年眼明汀島畔頭白子孫前
權入花時浪燈留兩夜船越江深見底誰識此心堅

哭友人

逢著南州史江邊哭問君送終時有雪歸葬處無雲官
庫惟留劔隣僧共結墳兒孫未成立誰與集遺文

送李衡

羈棲親故少遠別惜清才天畔出相送路長知未迴欲
銷今日恨強把異鄉杯君去南堂後應無客到來

宮怨

淚乾紅落臉心盡白垂頭自此方知怨從來豈信愁

惜花

無語與花別細看枝上紅明年又相見還恐是愁中

宿巾子山禪寺

絕頂新秋生夜涼鶴翻松露滴衣裳前峰月映半江水

僧在翠微開竹房

再遊巾子山寺

靈江江上幘峰寺三十年來兩度登
野鶴尚巢松樹徧竹房不見舊時僧

三遊巾子山寺感述

清秋絕頂竹房開松鶴何年去不迴
惟有前峰明月在夜深猶過半江來

荆浩

荆浩字浩然沁水人隱太行洪谷自號洪谷子工丹青
尤長山水爲唐末之冠詩一首

畫山水圖荅大愚

恣意縱橫埽峰巒次第成筆尖寒樹瘦墨澹野雲輕巖
石噴泉窄山根到水平禪房時一展兼稱苦空情

張直

張直濮州人號逍遙先生青州主帥範嘗聘之詩二首

宿顧城二首

顧城在
范縣東

綠草展青裯樾影連春樹茅屋八九家農器六七具主
人有好懷褰衣留我住春酒新潑醅香美連糟濾一醉
臥花陰明朝送君去

醉臥夜將半土底聞雞啼驚駭問主人爲我剖荒迷武
湯東代韋固君含悲悽神奪悔悟魄幻化爲石雞形骸
僅盈寸咄嗟若啗蛻吾村耕耘叟多獲於鋤犁

陳光

陳光唐末人詩一卷今存一首

題桃源僧

桃源有僧舍跬步異人天花亂似無主鶴鳴疑有仙軒
廊明野色松檜濕春煙定擬辭塵境依師過晚年

張直隸州人

得額城

春樹茅屋入九家

春樹茅屋入九家

春樹茅屋入九家

張琳

氣次專末入詩一卷今并一首

氣次

全唐詩

周曇

周曇唐末守國子直講詠史詩八卷今編爲一卷

吟敘

歷代興亡億萬心
聖人觀古貴知今
古今成敗無多事
月殿花臺幸一吟

閑吟

考撫妍蚩用破心
剪裁千古獻當今
閑吟不是閑吟事
事有閑思閑要吟

唐虞門

唐堯

秋氛不起瑞煙輕
端拱垂衣日月明
傳事四方無外役
茅茨深處土堦平

虞舜

進善懲奸立帝功
功成揖讓益溫恭
滿朝卿士多元凱
爲黜兇苗與四兇

舜妃

蒼梧一望隔重雲
帝子悲尋不記春
何事淚痕偏在竹
貞姿應念節高人

再吟

瀟湘何代泣幽魂
骨化重泉志尚存
若道地中休下淚
不應新竹有啼痕

三代門

夏禹

堯違天孽賴詢謨頓免洪波浸碧虛海內生靈微伯禹
盡應隨浪化為魚

再吟

萬古龍門一旦開無成甘死作黃能司空定有匡堯術
九載之前何處來

太康

師保何人為琢磨安知父祖苦辛多酒酣禽色方為樂
詎肯閑聽五子歌

后稷

人惟邦本本由農曠古誰高后稷功百穀且繁三曜在
牲牢郊祀信無窮

文王

昭然明德報天休禴祭惟馨勝殺牛二老五侯何所詐
不歸商受盡歸周

武王

文王寢膳武王隨內豎言安色始怡七載豈堪囚羑里
一夫爲報亦何疑

太公

昌獵關西紂獵東紂憐崇虎棄非熊危邦自謂多麟鳳
肯把王綱取釣翁

再吟

東鄰不事事西鄰御物卑和物自親天下言知天下者
兆人無主屬賢人

又吟

千妖萬態逞妍姿破國亡家更是誰匡政必能除苟媚
去邪當斷勿狐疑

子牙妻

陵柏無心竹變秋不能同戚擬同休歲寒焉在空垂涕
覆水如何欲再收

周公

文武傳芳百代基幾多賢哲守成規仍聞吐握延儒素

猶恐民疵未盡知

夷齊

讓國由衷義亦乖不知天命匹夫才將除暴虐誠能阻
何異崎嶇助紂來

管蔡

伊商胡越尚同圖管蔡如何有異謨不念祖宗危社稷
強于仁聖遣行誅

成王

成王有過伯禽答聖惠能新日自奇王道旣成何所感
越裳呈瑞鳳來儀

幽王

狼煙篝火爲邊塵烽候那宜悅婦人厚德未聞聞厚色
不亡家國幸亡身

平王

犬戎西集殺

一作犯滅

幽王邦土何由不便亡宜白東來年更

遠川流難

一作難

絕信源長

春秋戰國門

祭足

吳魯燕韓豈別宗曾無外禦但相攻當時周鄭誰爲相
交質將何服遠戎

再吟

周室衰微不共匡干戈終日互爭強諸侯若解尊天子

列國何因次第亡

隱公

今古難隄是小人苟希榮寵任相親
陳謀不信懷憂懼反間須防却害身

莊公

齊甲強臨力有餘魯莊爲戰念區區
魚麗三鼓微曹劇肉食安能暇遠謨

哀公

賢爲鄰用國憂危廟算無非委豔奇
兩葉翠娥春乍展一毛須去不難吹

再吟

好龍天爲降真龍及見真龍瘁厥躬接下不勤徒好士
葉公何異魯哀公

平公

鴻鵠輕騰萬里高何殊朝野得賢豪能知翼戴穹蒼力
不是蒙茸腹背毛

文公

滅虢吞虞未息兵柔秦敗楚霸威成文公徒欲三強服
分晉元來是六卿

景公

覺病當宜早問師病深難療恨難追晉侯徒有秦盪緩
疾在膏肓救已遲

衛靈公

子魚無隱欲源清死不忘忠感衛靈伯玉既親知德潤
殘桃休喫悟蘭馨

陳靈公

誰與陳君嫁禍來孔寧行父夏姬媒靈公徒認微舒面
至死何曾識禍胎

陳蔡君

楚聘宣尼欲道光是時陳蔡畏鄰強庸謀但解遮賢路
不解迎賢謀自昌

楚惠王

芹中遇蛭強為吞不欲緣微有害人何事免成心腹疾

皇天惟德是相親

楚懷王

不聽陳軫信張儀六里商於果見欺
既捨黔中西換得又令生去益堪悲

再吟

不得商於又失齊楚懷方寸一何迷
明知秦是虎狼國更忍車輪獨向西

韓惠王

韓惠開渠止暴秦營田萬頃飽秦人
何殊般肉供羸獸壯安知不害身

頃襄王

秦陷荆王死不還祇緣偏聽子蘭言頃襄還信子蘭語
恐使江魚葬屈原

武公

猛獸來兵祇爲文豈宜涼德擬圖尊君看豹彩蒙麋質
人取無難必不存

華元

未知軍法忌偏頗徒解子思腹漫皤昔日羊斟曾不預
今朝爲政事如何

臧孫

諸孟憎吾似犬獍賢臧哭孟倍傷情季孫愛我如甘疾
疾足亡身藥故寧

公叔

吳起南奔魏國荒必聽公叔失賢良無謀縱欲離安邑
可免河溝一作他時徙大梁

莊辛

莊辛正諫謂妖詞兵及鄢陵始悔思見兔必能知顧犬
亡羊補襪未為遲

孫臏

曾嫌勝已害賢人鑽火明知速自焚斷足爾能行不足
逢君誰肯不酬君

靈轍

失水枯鱗得再生翳桑無地謝深情朱輪未染酬恩血

公子何由見赤誠

郭開

秦襲邯鄲歲月深何人沾一作解贈郭開金廉頗還國李牧

在安得趙王為爾擒

樂羊

梧葉忍啜得非忠巧佞胡為惑主聰盈篋謗書能寢默
中山不是樂羊功

虞卿

割地求和國必危安知堅守絕來思年年來伐年年割
割盡邯鄲何所之

豫讓

門客家臣義莫儔
漆身吞炭不能休
中行智伯恩何異
國士終期國士酬

毛遂

不識囊中穎脫錐
功成方信有英奇
平原門下三千客
得方何曾是素知

再吟

定獲英奇不在多
然須設網遍山河
禽雖一目羅中得
豈可空張一目羅

田文

下客常才不足珍
誰為狗盜脫強秦
秦關若待雞鳴出
笑殺臨淄土偶人

再吟

門下三千各自矜
頻彈劍客獨無能
田文不厭無能客
三窟全身果有憑

馮謹

兔窟穿成主再興
輩流狐伏敢驕矜
馮謹不是無能者
要試君心欲展能

章子

在家能子必能臣
齊將功成以孝聞
改葬義無欺死父
臨戎安肯背生君

卞和

磷磷誰爲惑
溫溫至寶凡
姿甚易分
自是時人多
貴耳

目無明鑿使俱焚

季札

吹毛霜刃過千金
生許徐君死桂林
寶劍徒稱無價寶
行心更貴不欺心

孫武

理國無難似理兵
兵家法令貴遵行
行刑不避君王寵
一笑隨刀八陣成

夫差

信聽讒言疾不除
忠臣須殺竟何如
會稽既雪夫差死
泉下胡顏見子胥

少孺

寶貴親仁與善鄰鄰兵何要互相臻螳螂定是遭黃雀
黃雀須防挾彈人

蘇厲

百步穿楊箭不移養由堪教聽弘規身隆業著未知退
勿遣功名一旦隳

鬻拳

鬻拳強諫懼威刑退省懷慙不顧生雙刖忍行留痛恨
惟君適足見忠誠

荆軻

反刃相酬是匹夫安知突騎駕羣胡有心爲報懷權畧
可在於期與地圖

再吟

幾尺如霜利不羣恩仇未報反亡身誠哉利器全由用
可惜吹毛不得人

陳軫

丹青徒有逞諛譁有足由來不是蛇殺將破軍為柱國
君今官極更何加

田饒

廚拋敗肉士懷飢倉爛餘糧客未炊臨難欲行求死士
將何恩信致扶危

鮑叔

忠臣祝壽吐嘉詞鮑叔臨軒酒一卮安不忘危臣所願

願思危困必無危

晏嬰

正人徒以刃相危貪利忘忠死不爲麋鹿命懸當有處
軀車何必用奔馳

再吟

下澤逢蛇蓋是常還如山上見豺狼國中有怪非蛇獸
不用賢能是不祥

又吟

馬斃廐人欲就刑百年臨盡一言生賴逢賢相能匡救
仍免吾君播惡聲

叔向

重祿存家不敢言小臣憂禍亦如然
明開諫諍能無罪
祇此宜爲理國先

師曠

老能勸學照餘生似夜隨燈到處明
往行前言如不見
暗中無燭若爲行

智伯

三國連兵敵就擒晉陽城下碧波深
風濤撼處看沈趙
舟楫不從翻自沈

再吟

攻城來下惜先分一旦家邦屬四鄰
徒逞威強稱智伯
不知權變是愚人

襄子

君子常聞不迫危城崩何用急重圍叛亡能退修文德
果見中牟以義歸

楊回

三逐鄉閭五去君莫知何地可容身楊回不是逢英鑒
白首無成一旅人

顏回

陋巷簞瓢困有年是時端木飮腥膻宣尼行教何形迹
不肯分甘救一作徒子淵

子貢

救魯亡吳事可傷誰令利口說田常吳亡必定由端木

魯亦宜其運不長

再吟

一言能使定安危安已危人是所宜仁義不思垂教化
背恩亡德豈儒爲

鄭相

鄭相清賢慎有餘好魚魚至竟何如退魚留得終身祿
祿在何憂不得魚

子產

爲政何門是化源寬仁高下保安全如嫌水德人多狎
拯溺宜將猛濟寬

管仲

美酒濃馨客要沽
門深誰敢強提壺
苟非賢主詢賢士
肯信沽人畏子獯

再吟

社鼠穿牆巧庇身
何由攻灌若爲燠
能知窟穴依形勢
不聽讒邪是聖君

范蠡

西子能令轉嫁吳
會稽知爾啄姑蘇
跡高塵外功成處
一葉翩翩在五湖

屈原

滿朝皆醉不容醒
衆濁如何擬獨清
江上流人真浪死
誰知浸潤候深誠

黃歇

春申隨質若王圖爲主輕生大丈夫女子異心安足聽
功成何更用陰謀

王后

連環要解解非難忽碎瑤階一旦間兩國相持兵不解
會應俱碎似連環

樊姬

側影頻移未退朝喜逢賢相日從高當時不有樊姬問
令尹何由進叔敖

齊桓公

三往何勞萬乘君五來方見一微臣微臣傲爵能輕主

霸主如何敢傲人

中山君

敵臨烹子一何庸激怒來軍速自攻結怨豈思圍不解
愚謀多以殺為雄

趙簡子

簡子雄心蓄霸機賢愚聊欲試諸兒假言藏寶非真寶
不是生知焉得知

再吟

諤諤能昌唯唯亡亦由匡正得賢良一從忠讜無周舍
吾過何人為短長

趙宣子

門人曾不有提彌連嗾呀呀孰敢支臨難若教無苟免
亂朝爭那以葬爲

韓昭侯

去年秦伐我宜陽今歲天災旱且荒對此不思人力困
樓門何可更高張

魏文侯

冒雨如何固出畋慮乖羣約失乾乾文侯不是貪禽者
不信將爲教化先

郟成子

陳樂無權璧在隅宰臣懷智有微謨苟非成子當明哲
誰是仁人可託孤

秦武陽

卅歲徒聞有壯名及令爲副誤荆卿是時環柱能相副
誰謂燕囚事不成

田子方

太子無嫌禮樂虧願聽貧富與安危賤貧驕物貧終在
富貴驕人貴必隳

淳于髡

穰穰何禱手何賫一呷村漿與隻雞以少求多誠可笑
還如輕幣欲全齊

再吟

戲問將何對所耽滑稽無骨是常譚昔時王者皆通四

近見君王祇好三

再吟

曲突徙薪不謂賢
焦頭爛額饗盤筵
時人多是輕先見
不獨田家國亦然

田子奇

少年爲吏慮非循
一騎奔追委使臣
使者不追何所對
車中緣見白頭人

百里奚

船驥由來是股肱
在虞虞滅在秦興
裁量何異刀將尺
祇繫用之能不能

孫叔敖

童稚逢蛇歎不祥
慮悲來者爲埋藏
是知陽報由陰施
天爵昭然契日彰

魯仲連

昔迸燒牛發戰機
夜奔驚火走燕師
今來躍馬懷驕惰
十萬如無一撮時

宋子罕

子憐溫潤欲歸仁
吾貴堅廉是寶身
自有不貪身內寶
玉人徒獻外來珍

宮之奇

虞虢相依自保安
謀臣吞度不爲難
貪憐壁馬迷香餌
肯信之奇諭齒寒

王孫滿

九牧金鎔物像成辭昏去亂祚休明興亡在德不在鼎
楚子何勞問重輕

顏叔子

夜雨鄰娃告屋傾一宵從寄念悲驚誠知獨處從燒燭
君子行心要自明

張孟譚

強兵四合國將危賴有謀臣爲發揮城內萬銅誠自有
無謀誰解見玄機

公子無忌

按劍臨籠震咄呼鷄甘梟戮伏鳩辜能憐鈍拙誅豪俊

全史言
憫弱摧強真丈夫

再吟

趙解重圍魏再昌
信陵賢德日馨芳
昏蒙愚主聽讒說
公子云亡國亦亡

侯嬴朱亥

屠肆監門一賤微
信陵交結國人非
當時不是二君計
足馬那能解趙圍

再吟

走敵存亡義有餘
全由雄勇與英謀
但如公子能交結
朱亥侯嬴何代無

全唐詩

周曇

秦門

胡亥

鹿馬何難辨是非寧勞卜筮問安危權臣爲亂多如此
亡國時君不自知

再吟

盜賊縱橫主惡聞遂爲流矢犯君軒怪言何不早言者
若使早言還不存

趙高

趙高胡亥速天誅率土興兵怨毒痛豐沛見機羣小吏

功成兒戲亦何殊

陳涉

秦法煩苛霸業隳一夫攘臂萬夫隨王侯無種英雄志
燕雀喧喧安得知

項籍

九垓垂定棄謀臣一陣無功便殺身壯士誠知輕性命
不思辜負八千人

范增

智士寧爲暗主謨范公曾不讀兵書平生心力爲誰盡
一事無成空背疽

前漢門

何必當時諧福先

樊崇徐宣

庸中佼佼鐵錚錚百萬長驅入帝京首事縱隳二善在
歸仁何慮不全生

僭號公孫述

劍蜀金湯孰敢爭子陽才業匪雄英方知在德不在險
危棧何曾阻漢兵

後漢門

光武

成敗非儒孰可量儒生何指指蕭王蕭王得衆能寬裕
吳漢歸來帝業昌

明帝

朝臣咸佞孰知非張佚公忠語獨奇博士一言除太傅
謚為明帝信其宜

桓帝

能嫌跋扈斬梁王寧便榮枯信段張襄楷忠言誰佞惑
忍教奸禍起蕭牆

靈帝

榜懸金價鬻官榮千萬為公五百卿公瑾孔明窮退者
安知高卧遇雄英

廢帝

亂兵如蝟走王師社稷顛危孰為持夜逐螢光尋道路

高祖

愛子從烹報主時
安知強啜不舍悲
太公懸命臨刀几
忍取梧羹欲爲誰

再吟

北伐匈奴事可悲
當時將相是其誰
君臣束手平城裏
三十萬兵能忍飢

周苛紀信

爲主堅能不顧身
赴湯蹈火見忠臣
後來邦國論心義
誰是君王出熱人

鄧侯

共怪鄧侯第一功
咸稱得地合先封
韓生不是蕭君薦

獵犬何人爲指蹤

曲逆侯

社肉分平未足奇
須觀大用展無私
一朝如得宰天下
必使還如宰社時

薛公

黥布稱兵孰敢當
薛公三計爲斟量
上中良策知非用
南取長沙是死鄉

條侯

上將風戈賞罰明
牙鋌嚴閉亞夫營
人君却稟將軍令
按轡垂鞭爲緩行

平津侯

儒素逢時得自媒，忽從徒步列公台。
北辰如不延吾輩，東閣何由逐汝開。

博陸侯

棟梁徒自保堅貞，毀穴難防雀鼠爭。
不是主人知詐僞，如何柱石免欹傾。

夏賀良

漢代中微亦再昌，忠臣憂國冀修禳。
赤精符讖誠非妄，枉殺無辜夏賀良。

王莽

權歸諸呂牝雞鳴，殷鑒昭然詎可輕。
新室不因崇外戚，水中安敢寄生營。

再吟

重賦嚴刑作禍胎
豈知由此亂離媒
家傳揖讓亦難濟
況是身從傾篡來

又吟

銅馬朱眉滿四方
總緣居攝亂天常
因君多少布衣士
不是公卿即帝王

毛延壽

不拔金釵賂漢臣
徒嗟玉豔委胡塵
能知貨賄移妍醜
豈獨丹青畫美人

劉聖公

不納良謀劉續言
胡爲銜璧向崇宣
傷哉亂帝途窮處

漢家天子步歸時

獻帝

祇爲曹侯數貴人
普天黔首盡黃巾
漢靈早聽侍中諫
安得獻生稱不辰

再吟

咸怨刑科有黨偏
耕夫無不事戎旃
是時老幼飢號處
一斛黃禾五百千

子密

子密封侯豈所宜
能高德義必無爲
當時若縛還彭氏
率土何憂不自歸

羊續

魚懸潔白振清風
祿散親賓歲自窮
單席寒廳慙使者
葛衣何以至三公

楊震

爲國推賢匪惠私
十金爲報遽相危
無言暗室何人見
咫尺斯須已四知

趙孝

綠林清旦正朝飢
豈計行人瘦與肥
爲感在原哀叫切
鶴鴒休報聽雙飛

馬后

麤衣閑寂閱羣書
薦達嬪妃廣帝居
再實傷根嫌貴寵
惠慈勞悴育皇儲

魏博妻

蘿挂青松是所依
松凋蘿更改何枝
操刀必割腕可斷
磐石徒堅心不移

曹娥

心摧目斷哭江濱
窺浪無蹤日又昏
不入重泉尋水底
此生安得見沈魂

周都妻

綠水雙鴛一已沈
皇天更欲配何禽
不將血涕隨霜刃
誰見朱殷未死心

鮑宣妻

君惡奢華意不歡
一言從儉亦何難
但能和樂同琴瑟

未必恩情在綺紈

呂母

獄無良吏雪無由處處戈鋌自執仇呂母銜冤窮老婦
亦能爲帥復私讎

三國門

蜀先主

豫州軍敗信途窮徐庶推能薦卧龍不是卑詞三訪謁
誰令玄德主巴邛

再吟

一家區宇忽三分齷齪車書曷足論定有伊姜爲佐輔
忍教鴻鴈各乾坤

後主

萬峯如劍戟前來危閣橫空信險哉對此玄休長歎息
方知劉禪是庸才

吳後主

吳宮季主恣驕奢移盡江南百媚花一旦狂風江上起
花隨風散落誰家

王表

王表聞聲莫見身吳中敬事甚君親是知邦國將亡滅
不聽人臣聽鬼神

魯肅

輕財重義見英奇聖主賢臣是所依公瑾窘飢求子敬

金唐詩
七
一言纔起數船歸

晉門

晉武帝

漢貪金帛鬻公卿財贍羸軍冀國寧
晉武鬻官私室富是知猶不及桓靈

再吟

君人爲理在安民論道求賢德自新
經國遠圖無所問何曾言指一何神

惠帝

蛙鳴堪笑問官私更勸飢人食肉麋
蒙昧萬機猶婦女寇戎安得不紛披

賈后

賈后甘爲廢戮人齊王還殺趙王倫一從天下無真主
瓜割中原四百春

懷帝

蕃漢戈矛遍九垓兩京簪紱走黃埃劉聰大會平陽日
遣帝行觴事可哀

愍帝

耕牛喫盡大田荒二兩黃金糴斗糧御粥又聞無麩屑
不降胡虜奈飢腸

郭欽

誰疑忠諫郭欽言不遂戎夷出塞垣晉室旣無明聖主

果爲胡虜亂中原

王夷甫

六合誰爲輔弼臣
八風昏處盡胡塵
是知濟弱扶傾術
不屬高談虛論人

王茂弘

韓魏荆揚日豈堪
胡風看欲過江南
中原一片生靈血
誰秉王綱色不慙

吳隱之

聞說貪泉近鬱林
隱之今日得深斟
徒言滴水能穿石
其那堅貞匪石心

再吟

貪泉何處是泉源只在靈臺一點間必也心源元自有
此泉何必在江山

六朝門

前趙劉聰

戎羯誰令識善言刑將不捨遽能原垂成却罷鳳儀殿
仍改逍遙納諫園

前涼張軌

官從主簿至專征誰遣涼王破趙名益信用賢由拔擢
穰苴不是將家生

後魏武帝

太武南征似卷蓬徐陽充蔡殺皆空從來弔伐寧如此

千里無煙血草紅

三廢帝

明莊節憫併懼殃命在朱高二悖王已歎一年三易換
更嗟毆辱下東廊

苻堅

百萬南征幾馬歸叛亡如蝟亦何悲賓擒敵國諸戎主
更遣權兵過在誰

再吟

空知勇銳不知兵困獸孤軍未可輕安有長驅百餘萬
身馳幾旅欲先征

又吟

水影星光怪異多不思修德事干戈無謀拒諫仍輕敵
國破身擒將奈何

宋武帝

棲棲老楚未遭時債主

一作悲憤

憑陵似迫危人傑既為王謚

識刁逵誅斬獨何悲

二廢帝

肆意荒狂殺不辜方嗟廢帝又蒼梧自言威震為英武
肯慮湘東與玉夫

齊廢帝東昏侯

定策誰扶捕鼠兒不憂蕭衍畏潘妃長圍既合刀臨項
猶惜金錢對落暉

梁武帝

梁武年高厭六龍繁華聲色盡歸空不求賢德追堯舜
翻作憂囚一病翁

再吟

興亡何故遽環迴湯紂身爲事可哀莫是自長嫌勝已
蔽賢猶執匹夫才

簡文帝

救兵方至強抽軍與賊開城是簡文曲項琵琶催酒處
不圖爲樂向誰云

元帝

木柵江城困魏軍王褒橫議過謀臣賓降未免俱爲戮

一死安能謝益仁

謝舉

叛奴逃數豈堪留忠節曾無肯到頭
朱昇早能同遠見
青衫寧假帝登樓

朱昇

徒覽儒書不學兵彥和虛得不廉名
四郊多壘猶相罪
國破將何謝太清

傅昭

為政殘苛獸亦飢除飢機在養疲
羸人能善政獸何暴
焉用勞人以檻為

宣帝

宣帝驕奢恣所爲後宮升降略無時乘危自有妻公在
安許鸞凰是尉遲

李集

忠諫能堅信正臣三沈三屈竟何云每沈良久方能語
及語還呼桀紂君

隋門

隋文帝

孤兒寡婦忍同欺輔政剛教篡奪爲矯詔必能疎昉譯
直臣誠合重顏儀

獨孤后

腹生奚強有親疎憐者爲賢藥者愚儲貳不遭讒構死

隋亡寧便在江都

煬帝

拒諫勞兵作禍基窮奢極武向戎夷兆人疲弊不堪命
天下嗷嗷新主資

賀若弼

破敵將軍意氣豪請除傾國斬妖嬈紅綃愁染嬌春雪
瞪目看行切玉刀

御日春沐世王天

文始制軍意為莫論有則國師幾數正餘必樂副春雲

贊善

天不為知條主資

武貽樂采封師基與奮琳左向兵夷兆入趣幾不敷命

無帝

部方寧野去出借

全唐詩

李九齡

李九齡洛陽人唐末進士入宋登乾德二年進士第三
人詩一卷

上清辭五首

入海浮生汗漫秋紫皇高宴五雲樓霓裳曲罷天風起
吹散仙香滿十洲

樓鑠彤霞地絕塵碧桃花發九天春東皇近日慵遊宴
閑煞瑤池五色麟

上清仙路有丹梯影響行人到即迷不會無端箇漁父
阿誰教入武陵溪

本來方朔是真仙，偶別丹臺未得還。
何事玉皇消息晚，忍教顛顛向人間。
新拜天官上玉都，紫皇親授五靈符。
羣仙箇箇來相問，人世風光似此無。

讀三國志

有國由來在得賢，莫言興廢是循環。
武侯星落周瑜死，平蜀降吳似等閒。

山舍南溪小桃花

一樹繁英奪眼紅，開時先合占東風。
可憐地僻無人賞，拋擲深山亂木中。

春行遇雨

夾路輕風撼柳條
雨侵春態動無憀
採香陌上誰家女
濕損釵頭翡翠翹

登樓寄遠

滿城春色花如雪
極日煙光月似鉤
總是動人鄉思處
更堪容易上高樓

望思臺

漢武年高慢帝圖
任人曾不問賢愚
直饒四老依前出
消得江充寵佞無

山舍偶題

門掩松蘿一徑深
偶攜藜杖出前林
誰知盡日看山坐
萬古興亡總在心

荆溪夜泊

點點漁燈照浪清
水煙疎碧月朧明
小灘驚起鴛鴦處
一隻採蓮船過聲

旅舍臥病

家隔西秦無遠信
身隨東洛度流年
病來旅館誰相問
牢落閑庭一樹蟬

登昭福寺樓

旅懷秋興正無涯
獨倚危樓四望賒
谷變陵遷何處問
滿川空有舊煙霞

代邊將

雪凍陰河半夜風
戰回狂虜血深紅
據鞍遙指長安路

須刻麟臺第一功

夜與張舒話別

愁聽南樓角又吹曉雞啼後更分離如何銷得淒涼思
更勸燈前酒一卮

寒梅詞

霜梅先拆嶺頭枝萬卉千花凍不知留得和羹滋味在
任他風雪苦相欺

題雲泉寺

入谷先生一陣香異花奇木簇禪堂可憐門外高低路
萬轂千蹄日日忙

宿張正字別業

全唐詩
茅屋蕭寥煙暗後
松窗寂歷月明初
此時誰念孤吟客
唯有黃公一帙書

鶴

天上瑤池覆五雲
玉麟金鳳好爲羣
不須更飲人間水
直是清流也汗君

過相思谷

悠悠信馬春山曲
芳草和煙鋪嫩綠
正被離愁著
莫人那堪更過相思谷

寫莊子

聖澤安排當散地
賢侯優貸借新居
閑中亦有閑生計
寫得南華一部書

山中寄友人

亂雲堆裏結茅廬已共紅塵跡漸疎
莫問野人生計事
窗前流水枕前書

齋前煮木林前書

頂雲坐裏談茶獻
手共瑤壺種酒
煎莫問
撰入
山中寄友人

全唐詩

胡宿

以下四人或云宋人諸本並附唐末今仍舊

胡宿唐人詩十九首

津亭

津亭欲闕戒棠舟五兩風來不暫留西北浮雲連魏闕
東南初日滿秦樓層城渺渺人傷別芳草萋萋客倦遊
平樂舊歡收不得更憑飛夢到瀛洲

古別

長道何年祖輶休風帆不斷岳陽樓佳人挾瑟漳河曉
壯士悲歌易水秋九帳清油徒自負一作貴百壺芳醕豈消
憂至今長樂坡前水不啻秦人怨隴頭

塞上

漢家神箭定天山，煙火相望萬里間。
契一作頽利請盟金七酒，將軍歸臥玉門關。
雲沈老上妖氛斷，雪照回中探騎閑。
五餌已行王道勝，絕無刁斗至闐顏。

寄昭潭王中立

高弦一弄武陵深，六幘天空萬里心。
吳苑歌驪成久別，楚峰回雁好歸音。
十千美酒花期隔，三百枯棋奕思沈。
莫上孤城頻送目，浮雲西北是家林。

雪

屏翳驅雲結夜陰，素花飄墜惡氛沈。
色欺曹國麻衣淺，寒入荆王翠被深。
天上明河銀作水，海中仙樹玉爲林。

日高獨擁鸛裘臥誰乞長安取酒金

冲虛觀

五粒青松護翠苔石門岑寂斷纖埃水浮花片知仙路
風遞鸞聲認嘯臺桐井曉寒千乳斂茗園春嫩一旗開
馳煙未勒山亭字可是英靈許再來

淮南發運趙邢州被詔歸闕

天臺封詔紫泥馨馬首前瞻北斗城人在函關先望氣
帝於京兆最知名一區東第趨晨近數刻西廂接晝榮
正是兩宮裁化日百金雙壁拜虞卿

天街曉望

長樂才聞一叩鐘百官初謁未央宮金波穆穆沙隄月

玉樹瑤瑤上苑風香重椒蘭橫結霧氣寒龍虎遠浮空
嗟余索米無人問行避霜臺御史驄

淮南王

貪鑄金錢盜寫符何曾七國戒前車長生不待爐中藥
鴻寶誰收篋裏書碧井牀空天影在小山人去桂叢疎
雲中雞犬無消息麥秀漸漸徧故墟

趙宗道歸輦下

公牒相逢楚水湄竹林文酒此攀嵇半氈未暖還傷別
一臂初交又解攜江浦嘔啞風送榜河橋勃窣柳垂隄
明年四月秦關到洗眼揚州看馬啼

憶薦福寺牡丹

十日春風隔翠岑，祇應繁朵自成陰。
樽前可要人頽玉，樹底遙知地側金。
花界三千春渺渺，銅槃十二夜沈沈。
雕槃分纂何由得，空作西州擁鼻吟。

次韻和朱况雨中之什

蒼野迷雲黯不歸，遠風吹雨入巖扉。
石牀潤極琴絲緩，水閣寒多酒力微。
夕夢將成還滴滴，春心欲斷正一作更霏霏。
憂花惜月長如此，爭得東陽病骨肥。

感舊

千里青雲未致身，馬蹄空踏幾年塵。
曾迷玉洞花光老，欲過金城柳眼新。
粉壁已沈題鳳字，酒壚猶記姓黃人。
塢中橫笛偏多感，一涕闌干白角巾。

城南

昨夜輕陰結夕霏城南十里有香泥初聞山鳥驚新哢
遙見林花識舊蹊蕩漿遠從芳草渡墊巾還傍綠楊隄
羅敷正苦桑蠶事惆悵南來五馬蹄

早夏

井轄投多思不禁密垂珠箔晝沈沈睡驚燕語頻移枕
病起蛛絲半在琴雨徑亂花埋宿艷月軒修竹轉涼陰
一春酒費知多少探盡囊中換賦金

候家

洞戶春遲一作深漏箭長短轅初返雒陽傍綵雲按曲青岑
醴沈水薰衣白壁堂前檻蘭茗依玉樹後園桐葉護銀

牀宴殘紅燭長庚爛還促朝珂謁未央

函谷關

天開函谷壯關中萬古驚塵向此空望氣竟能知老子
棄繻何不識終童謾持白馬先生論未抵鳴雞下客功
符命已歸如掌地一丸曾誤隗王東

殘花

雨壓殘紅一夜凋曉來簾外正飄搖數枝翠葉空相對
萬片香魂不可招長樂夢回春寂寂武陵人去水迢迢
愁將玉笛傳遺恨苦被芳風透綺寮

次韻徐爽見寄

五兩青絲帝渥深平時可敢嘆英沈侏儒自是長三尺

游統都來直數金寂寞死灰人喪偶婆娑生意樹交陰
年來想見瓊枝色久夢蘧蘧到竹林

杜常

杜常唐末人詩一首

華清宮

行盡江南數十程曉星殘月入華清朝元閣上西風急
都入長楊作雨聲

滕白

滕白官郎中歷臺省有工部集一卷今存詩二首

題文川村居

種茶巖接紅霞塢灌稻泉生白石根
皤腹老翁眉似雪

海棠花下戲兒孫

燕

短羽新來別海陽
眞珠高卷語雕梁
佳人未必全聽爾
正把金針繡鳳凰

王岳

王岳蜀人曾避地荆南有集一卷今存詩六首

題嚴君觀

寒雲古木罩星臺
凡骨仙蹤信可哀
二十年前曾此到
一千年內未歸來

山中有所思

零零夜雨漬愁根
觸物傷離好斷魂
莫怪杜鵑飛去盡

紫微花裏有啼猿

燕

一巢功績破春光
絮落花殘兩翅狂
月樹風枝不棲去
強來言語泥雕梁

貧女

難把菱花照素顏
試臨春水插花看
木蘭船上遊春子
笑指荆釵下遠灘

妙春寄友人

何處相逢萬事忙
卓家樓上百淘香
明朝漸近山僧寺
更爲殘花醉一場

回舊山

庾家樓上謝家池
處處風煙少
舊知明日落花誰共醉
野溪猿鳥恨歸遲

東家對土橋
 寒山處處瓜
 瓜野少書
 映脚日
 蒼苔
 紫
 共
 相
 理
 彩
 鸞
 鳥
 賦
 調
 聖
 香
 明
 氣
 通
 山
 僧
 斗

全唐詩

高力士

高力士明皇時宦官被寵封齊國公後為李輔國所搆

配流黔中詩一首

感巫州薺菜

力士謫黔中道至巫州地名薺
而人不食因感之作詩寄意

兩京作劬

一作片

賣五谿無人采夷夏雖有殊氣味都不改

一作固
常在

句

煙燼眼落膜瘡染面朱虞

流巫州
時作

王越賓

王越賓明皇時中官詩一首

全唐詩 南詔驃信

使至瀾山

神異錄明皇嘗夢游瀾岳遣趙賓祀之

碧塢煙霞晝未開
游人到處盡徘徊
憑誰借問巖前叟
曾託吾皇一夢來

王良會

王良會憲宗時內侍為西川監軍使詩一首

和武相公中秋夜西蜀錦樓望月得清字

德星搖此夜
珥月滿重城
杳靄煙氛色
飄飄砧杵聲
令行秋氣爽
樂感素風輕
共賞千年聖
長歌四海清

南詔驃信

驃信南詔酋也詩一首

星回節游避風臺與清平官賦

南詔以十二月十六日為星回節唐書南詔官

曰清平者隱
南唐之宰相

避風善闡臺

南詔別都
曰善闡府

極目見藤越

南越之名

悲哉古與今依然

煙與月自我居震旦

謂天子
為震旦

翊衛類夔契伊昔頸皇運艱

難仰忠烈不覺歲云暮感極星回節元祀

謂朕曰元
謂祀曰祀

同一心

子孫堪貽厥

趙叔達

趙叔達南詔清平官詩一首

星回節避風臺驃信命賦

法駕避星回波羅毘勇猜

波羅虎也毘勇野馬也驃信
昔年幸此曾射野馬并虎也

河潤冰難

合地暖梅先開下今但柔洽

但柔自
姓也

獻睽弄棟

國名來願將

不才質千載侍游臺

楊奇鯤

楊奇鯤南詔宰相有詞藻僖宗幸蜀時來朝行在詩一首

途中詩

首缺
二句

風裏浪花吹更白
雨中山色洗還青
海鷗聚處窗前見
林狖啼時枕上聽
此際自然無限趣
王程不敢暫留停

布燮

布燮長和國使人南詔鄭氏篡蒙氏改國號曰天長和
布燮官名其宰相也詩二首

聽妓洞雲歌

嵇叔夜鼓琴飲酒無閑暇若使當時聞此歌拋擲廣陵
都不藉劉伯倫虛生浪死過青春一飲一碩猶自醉無
人爲爾卜深塵

思鄉作

瀘北行人絕雲南信未還庭前花不掃門外柳誰攀坐
久銷銀燭愁多減玉顏懸心秋夜月萬里照關山

朝衡

品彙作
胡衡

朝衡字巨卿日本人開元初日本王聖武遣其臣粟田
副仲滿來朝請從諸儒授經仲滿慕華不冝去易姓名
曰朝衡歷左補闕久之歸國上元中擢散騎常侍詩一

首

銜命還國作

銜命將辭國非才忝侍臣天中戀明主海外憶慈親伏
奏違金闕駢驂去玉津蓬萊鄉路遠若木故園林西望
懷恩日東歸感義辰平生一寶劍留贈結交人

長屋

長屋日本相國也詩一首

繡袈裟衣緣

明皇時長屋嘗造千袈裟繡偈於衣緣
來施中華真公因泛海至彼國傳法焉

山川異域風月同天寄諸佛子共結來緣

王巨仁

王巨仁新羅國隱士詩一首

憤怨詩

朝鮮史畧云新羅女主曼與魏弘通弘死復引年少美丈夫
夫私之夜以要贖由是佞倖肆志紀綱壞弛時有人譏諷

時政榜於路主疑隱者王巨仁所為命下獄將誅之巨仁憤怨作詩書獄壁是夕忽震雷雨竄主懼釋之唐僖宗文德初年事也

于公慟哭三年旱鄒衍含愁五月霜
今我幽愁還似古
皇天無語但蒼蒼

李贊華

李贊華遼太祖長子名倍小字突欲聰敏好學嘗市書
萬卷藏醫巫間絕頂之望海堂能詩畫兼精技術奔唐
明宗賜姓名後為廢帝所害詩一首

立木海上刻詩

遼史突欲初為太子以溥欽后愛德光不得已讓位國於東平不得志明宗招之立木刻詩云

云遂攜高美人并載書籍浮海至

小山壓大山大山全無力
一作氣羞見故鄉人
一作木邦從此投外

國一作化外

成輔端

成輔端貞元中優人德宗以其誹謗國政決殺之言者以為託諷諧諷諫不可加罪帝悔焉詩一首

戲語 唐書京兆尹司農卿李寔務聚斂進奉不恤災歉人窮無告乃徹屋瓦木賣麥苗以供賦斂輔端因戲作語為秦民艱苦之狀

如此者數十篇寔怒之言於帝故坐殺

秦地城池二百年何期如此賤田園一頃麥苗碩伍米

二間堂屋二千錢

張隱

張隱龍紀初伶人詩一首

萬壽寺歌詞 據言云宰相張濬嘗與朝士萬壽寺閱牡丹抵暮飲不息伶人皆御前供奉第一部恃寵肆狂無所

畏憚中有張隱者忽躍出揚聲引詞云云唱訖遂去闔府愕然相紛失色而散

位乖燮理致傷殘
四面牆匡不忍看
正是花時堪下淚
相公何必更追歡

朱元

朱元即戟門門子詩一首

迎孫刺史

郡閣雅談云孫原家自貞元已後二代為池陽刺史有戟門門子朱元迎道左獻詩曰

昔日郎君今刺史
朱元依舊守朱門
今朝竹馬諸童子
盡是當時竹馬孫

陳璠

陳璠沛中走卒與徐帥時溥結怨表為宿州太守後以貪污斬之詩一首

臨刑詩

璠不知其詩以為其代作

積玉堆金官又崇
禍來倏忽變成空
五年榮貴今何在
不異南柯一夢中

捧劍僕

捧劍咸陽郭氏之僕
雖在奴隸嘗以望水眺雲為事
遭鞭箠終不改後竄去詩三首

詩主人怪其作詩怒之儒士聞而競觀以為協律之詞其主稍容焉

青鳥銜葡萄飛上金井欄
美人恐驚去不敢捲簾看

題牡丹

一種芳菲出後庭
却輸桃李得佳名
誰能為向天人說
從此移根近太清

將竄留詩

珍重郭四郎臨行不得別曉漏動離心輕車冒殘雪欲
出主人門零涕暗嗚咽萬里隔關山一心思漢月

出主人門零前部即因漢軍斯關山一心思萬月
狂重飛四羽翻許不將保期誠燿將心轉車冒炎雲

全唐詩

李密

李密京兆長安人隋末以父寬蔭爲左親侍宇文述勸
令學因謝病讀書嘗乘一黃牛被以蒲羈挂漢書一帙
於角上一手捉鞵一手翻卷越公楊素見而異之語其
子玄感傾心結納及玄感舉兵迎密爲謀主兵敗亡命
集衆據洛口自號魏公移檄州郡後爲王世充所敗歸
唐拜光祿卿封邢國公行至桃林懼誅將叛史萬寶遣
副村盛彥師追斬之詩一首

淮陽感懷

本傳云初密與楊玄感同反玄感敗密被獲用計得脫
詎淮陽變姓名爲劉智遠聚徒教授鬱鬱不得志爲五

言詩詩成泣下數行

人惟之告捕乃亡去

金風蕩初節玉露凋晚林此夕窮塗士鬱陶傷寸心野
平葭葦合村荒藜藿深眺聽良多感徒倚獨霑襟霑襟
何所爲悵然懷古意秦俗猶未平漢道將何冀樊噲市
井徒蕭何刀筆吏一朝時運會千古傳名謚寄言世上
雄虛生真可媿

孔德經

孔德紹會稽人有清才事實建德初爲景城丞後爲內
史侍郎典書檄建德敗太宗誅之詩十二首

南隱遊泉山

名山狎招隱俗外遠相求還如倒景望忽似閬風遊臨
崖俯大壑披霧仰飛流歲積松方便年深椿欲秋野花

開石鏡雲葉掩山樓何須問方士此處即瀛洲

行經太華

紛吾世網暇靈岳展幽尋寥廓風塵遠杳冥川谷深山
昏五里霧日落二華陰疎峰起蓮葉危塞隱桃林何必
東都外此處可抽簪

夜宿荒村

綿綿夕漏深客恨轉傷心撫弦無人聽對酒時獨斟故
鄉萬里絕窮愁百慮侵秋草思邊馬遶枝驚夜禽風度
谷餘響月斜山半陰勞歌欲敘意終是白頭吟

王澤嶺遭洪水

地籟風聲急天津雲色愁悠然萬頃滿俄爾百川浮還

似金堤溢翻如碧海流驚濤遙起鷺迴岸不分牛徒知
懷趙景終是倦陽侯木梗誠無託蘆灰豈暇萊思得乘
槎便蕭然河漢遊

登白馬山護明寺

名岳標形勝危峰遠鬱紆成象建環極大壯闡規模層
臺聳靈鷲高殿邇陽烏暫同遊閭苑還類入仙都三休
開碧嶺萬戶洞金鋪攝心磬前禮訪道挹中虛一作遙瞻
盡地軸長望極天隅白雲起梁棟丹霞映棋檯露花疑
濯錦泉月似沈珠今日桃源客相顧失歸塗

送舍利宿定普巖

仁祠表虛曠祇園展肅恭棲息翠巖微嶺登頓白雲峰映

流看夜月臨峰聽曉鐘
澗芳十步草崖陰百丈松
蕭然
遙路絕無復市朝蹤

觀太常奏新樂

大君膺寶曆出豫表功成
鈞天金石響洞庭弦管清
八音動繁會九變叶希聲
和雲留睿賞熏風悅聖情
盛烈光韶濩易俗邁咸英
竊吹良無取率舞抃羣生

賦得涉江采芙蓉

蓮舟泛錦磧極目眺江干
沿流渡楫易逆浪取花難有
霧疑川廣無風見水寬
朝來採摘倦詎得久盤桓

賦得華亭鶴

華亭失侶鶴乘軒
寵遂終三山凌苦霧千里激悲風
心

危白露下聲斷綵弦中何言斯物變翻覆似遼東

送蔡君知入蜀二首

金陵已去國銅梁忽背飛
失路遠相送他鄉何日歸
靈關九折險蜀道二星遙
乘槎若有便希泛廣陵潮

落葉

一作乳
紹安詩

早秋驚葉落飄零似客心
翻飛未肯下猶言惜故林

句

誰分菱花影還看蓬鬢秋

照鏡見白
髮詩式

鄭頰

鄭頰滎陽人爲王世充御史大夫太宗圍城時乞爲浮屠世充惡而殺之詩一首

臨刑詩

幻生還幻滅大幻莫過身安心自有處求人無有人

劉斌

劉斌南陽人有詞藻嘗與虞世南孔德紹劉孝孫等結
文會事竇建德爲中書舍人又事劉黑闥及敗沒突厥
中詩四首

和謁孔子廟

一作李百藥詩

性與雖天縱主世乃無由何言泰山毀空驚逝水流及
門思往烈入室想前修寂寞荒堦暮摧殘古木秋遺風
暖如此聊以慰蒸求

和許給事傷牛尚書

名臣不世出百工之所求況乃非常器遭逢興運秋符
彩照千里銓衡綜九流經綸資百物樽俎寄皇猷韶濩
傾復理典禮紊還修雖貞棟梁任兼好藝文游佇聞和
鼎實行當奉介丘高衢翻稅駕閱水遽遷舟傳呼更何
日曳履聞無由歸魂藐脩路征權艤邗溝林薄長風慘
江上寒雲愁夜臺終不曙遺芳徒自留

送劉散員同賦陳思王詩得好鳥鳴高枝

春林已自好時鳥復和鳴枝交難奮翼谷靜易流聲問
關纔得性繒繳遽相驚安知背飛遠拂霧獨晨征

詠山

靈山峙千仞蔽日且嵯峩紫蓋雲陰遠香爐煙氣多石

梁高鳥路瀑水近天河欲知聞道里別自有仙歌

劉闢

劉闢字太初擢進士第佐韋臯西川幕後代爲節度使
以叛誅詩二首

登樓望月二首

圓月當新霽高樓見最明素波流粉壁丹桂拂飛甍下
瞰千門靜旁觀萬象生梧桐窗下影烏鵲檻前聲嘯逸
劉琨興吟資庾亮情遊人莫登眺迢遞故鄉程

皎潔三秋月巍峩百丈樓下分征客路上有美人愁帳
卷芙蓉帶簾褰玳瑁鉤奇窗情渺渺憑檻思悠悠未得
金波轉俄成玉筯流不堪三五夕夫婿在邊州

黃巢

黃巢寬句人舉進士不第廣明作亂破京都後滅于秦
山狼虎谷詩三首

題菊花

貴耳集巢五歲時侍其翁與父為菊詩翁未就巢信口曰堪與百花為總首自然天賜赭黃衣父怪欲擊之翁曰

可令再賦巢應聲云云

颯颯西風滿院栽
藥寒香冷蝶難來
他年我若為青帝
報與桃花一處開

不第後賦菊

待到秋來九月八
我花開後百花殺
衝天香陣透長安
滿城盡帶黃金甲

自題像

陶穀五代亂離紀云巢敗後為僧依張全義于洛陽曾繪像頂詩人尤像識其為巢云

記得當年草上飛
鐵衣著盡著僧衣
天津橋上無人識
獨倚欄干看落暉